




Kgotso Moithuti wa Sehlopha sa 12!



Se latelang ke sesebediswa se tla o nnetefaletsa hore o ents'e mesebetsi yohle e hlokalalang selemong sena:

O TSHWANETSE HO BA LE:

- ➔ Buka e reretsweng ho o ruta puo le ho bala.
- ➔ Dibuka tse ding ntle le tsa sekolo tse kenyelletsang dimakasine le dikoranta.
- ➔ Bukantswe
- ➔ Dibuka tsa dingolwa tse balwang sekolong: Tutudu ha e patwe; Lejwe la kgopiso le Melodi ya thothokiso.

Sebedisa:

- ➔ Mawa a ho bala
- ➔ Meelelo ya ditema - tse ngotsweng, tse bohuwang, tse mamelwang, tse mamelwang mmoho le ho bohuwa, tsehebediso ya puo le ditshwantsho ditemeng;
- ➔ Dibopeho tsa ditema
- ➔ Ditema tsa kgokahano

Ha o ithutile mawa ana hantle, o tla ipeha motjheng o motle wa ho ngola.

Ho ngola:

- ➔ Bokgoni ba ho etsa dipatlisiso
- ➔ Moralo wa ho ngola
- ➔ Ho ngola mokgwaritso kapa mekgwaritso e mmalwa e le leano la ho ngola sehlahiswa se phethahetseng
- ➔ Ho lekola diphoso

Tshebediso ya puo:

- ➔ Hlwaya & hlalosa meelelo ya mantswe ebe o a sebedisa ka nepo
- ➔ Dipolelo
- ➔ Boitemohelo bo hlokolosi ba puo

MESEBETSI E HLOLWANG:

KOTARA 1	KOTARA 2	KOTARA 3
ORALE:		
HO MAMELA	MOSEBETSI WA BUKA	ORALE
MOQOQO	ORALE	
TEMA YA KGOKAHANO	TLHAHLOBO	
ORALE:		

Dibukeng tsa dingolwa ho ithutwa tse latelang:

Poloto le sekapoloto (tlhekelo le kamano ya baphetwa, tikoloho (maemo, sebaka & nako); Sesosa sa kgohlano, Tharahano - ho rarahana hwa diketsahalo; Sehlohloho; Mothipoloho; Phethelo/Tharollo; Setaele j.k lewa la bongodi la ho tsebela mmadi pele diketsahalong tse tla etsahala ka ho sebedisa puisano kapa boipuiso kapa lewa la ho hetla morao; Popeho le kgolo ya baphetwa/batshwantshisi; Seabo sa mopheti le ntlhakemo ya mongodi; Mookotaba lemolaetsa; Boitshetleho; Maikutlo le Sehalo; Mothinya le Sephetho se sa lebellwang; Ditaelo tsa kalaneng; Tomatso tshwantshisong. Moelelo o otlohileng/totobetseng; Moelelo o hlahiswang ke tsehebediso ya puo ya bonono/o akanngwang/o patehileng; Sehalo; Maikutlo/Thanyo; Karaburetso; Dikapuo; Kgetho ya mantswe; Disebediswa tsohle tsa bonono le bokgabo; Karabelo e bontshang ho ameha maikutlong; Matshwao a puo; Phetapheto (hlaahlela); Disebediswa tsa modumo (poeletsomodumo/alithereishene, (khonsonense), poeletsodumannosthi (asonense) le poeletsadumammoho (khonsonense), raeme/morumo, Morethetho; Enjambamente (pholletso/pholletsi/motjetje/molamotjetje); melathothokiso.

- ➔ Dilemong tse fetileng, ho hlokomelehile hore baithuti ba bangata ba ba le pharela dibukeng. Haeba le wena o na le bothata bo tshwanang, iphe nako e ngata ya ho bala dibuka tse na o be o di phete makgetlo. Botsa titjhere ya hao le a mang matitjhere a rutang Sesotho mme o tla buleha mahlo haholo.
- ➔ Ikwetlise ka ho bala dipampiri tsa dilemo tse fetileng o tle o bone hore ditebello ke dife mabapi le ho araba dipotso tse fapaneng.
- ➔ Bala! Bala! Bala!

RWALLA LE SA TJHABILE ESERE WA AHA SEROBE PHIRI E SE E JELE!

